

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
OPĆINA MAGLAJ
OPĆINSKO VIJEĆE

Broj: 02-05-1-1115 /18
Datum, 07.05.2018.godine



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MUNICIPAL COUNCIL

ZAPISNIK

Sa 1. Vanredne sjednice Općinskog vijeća Maglaj
održane dana 07.05.2018.godine u 14,30 sati u sali
JU Dom kulture «Edhem Mulabdić» Maglaj

Predsjedavajuća OV, na osnovu člana 59. Poslovnika o radu Općinskog vijeća ukazane potrebe otvaram Vanrednu sjednicu Općinskog vijeća Maglaj.

Na današnju sjednicu pozvani su vijećnici iz parlamentarnih političkih stranaka SDA-a, SDP-a, SBB, DF, HDZ, Stranke za BiH, samostalni vijećnici Mustafa Buljubašić, Musafa Bešić, Fikret Delić i Kanita Bašić.

Poziv za sjednicu i materijal dostavljeni su OSCE-u Terenskom uredu u Travniku i sredstvima informisanja koji prate rad današnje sjednice.

Pozvan je i Općinski načelnik, rukovodioci općinskih Službi, Općinska pravobraniteljica, kao i predstavnici čiji materijali će biti razmatrani na današnjoj sjednici Općinskog vijeća.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju, domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Općinskog vijeća da prozivkom vijećnika utvrdimo broj vijećnika na 1. Vanrednoj sjednici Općinskog vijeća.

Današnjoj sjednici Općinskog vijeća prisustvuje 25 vijećnika.

Konstatujem da Općinsko vijeće može punovažno raditi i odlučivati i donositi odluke, zaključke i rješenja. Ovim je ispoštovan član 88. Poslovnika o radu Općinskog vijeća Maglaj.

Na današnjoj sjednici nećemo vršiti verifikaciju zapisnika sa 17. redovne sjednice Općinskog vijeća, to ćemo uraditi na narednoj redovnoj sjednici Općinskog vijeća.

U materijalima ste dobili saziv za današnju sjednicu sa predloženim dnevnim redom.

Otvaram raspravu po pitanju dnevnog reda.

O samom dnevnom redu bilo je riječi već na prethodnoj sjednici i rokovima za održavanje ove sjednice koje su nam nametnuli iz CIK-a.

Vijećnik Safet Jašić, Predsjedavajuća je iznijela prijedlog za dnevni red vanredne sjednice. Svjedoci smo da se u posljednjih par dana dogodila elementarna nepogoda. Klub vijećnika SDA predlaže da tačka 1. bude Izvještaj o nastalim štetama od elementarnih nepogoda i da se ubuduće do samog završetka svih šteta svake sjednice bude tačka broj 1. Izvještaj o sanaciji nastalih šteta. Klub vijećnička SDA predlaže da ova tačka bude broj 1.

Predsjedavajuća OV, Općinski načelnik je zamolio da prije prve tačke dnevnog reda, s tim da može to biti i tačka dnevnog reda, da Načelnik napravi osvrt vezano za proglašenje prirodne nesreće na dijelovima općine Maglaj.

Mirsad Mahmutagić, općinski načelnik, mala kritika Predsjedavajućoj OV. Prije same sjednice sam rekao da bih htio, odnosno zahtijevao da prva tačka bude vezano za dešavanja po elementarnoj nepogodi koja se ovdje desila.

Sad sam se javio da kažem da ne brkate stvari, morate znati šta je Izvještaj, a šta je Informacija. Izvještaj o nastalim štetama podrazumijeva puno posla, sumiranja i prezentiranja izvještaja. Nije problem u nekim narednim sjednicama da bude, trebalo bi da bude ta tačka kao Izvještaj o sanaciji. Ali odmah danas... jučer kad je bila eventualna nepogoda i danas da zahtijevate Izvještaj, to je očigledno nepoznavanje materijale.

Ja predlažem tačku dnevnog reda onako kako sam Vama prije sjednice rekao da bude Informacija o elementarnoj nepogodi koja je zadesila općinu Maglaj u noći sa 5/6.05.2018.godine.

Vijećnik Safet Jašić, nema ovdje nepoznavanja materije. Možda pogrešan termin i ništa drugo, može informacija što se nas tiče, danas, a i svaki put da bude informacija do konačnog završetka sanacije nastalih šteta.

Predsjedavajuća OV, zaključujem raspravu i na osnovu ove diskusije predlažem slijedeći

DNEVNI RED

1. Informaciju o stanju na terenu nakon proglašenja stanje prirodne nesreće na dijelovima općine Maglaj.
2. Odluka o imenovanju predsjednika i članova Općinske izborne komisije Maglaj;

3. Rješenje o imenovanju sekretara Općinske izborne komisije Maglaj, za obavljanje administrativno-tehničkih poslova;
4. Odluka o pristupanju izmjene Regulacionog plana „Misurići“.

Glasalo 25 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Mustafa Bešić, Fikret Delić, Kanita Bašić samostalni vijećnici, Josip Jurišić (HDZ), Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA), Mustafa Buljubašić, samostalni vijećnik.

AD 1. - Informaciju o stanju na terenu nakon proglašenja stanje prirodne nesreće na dijelovima općine Maglaj.

Općinski načelnik, obavještavam vas da je bila namjera da 14. maja održimo jednu press - konferenciju vezano za sanaciju šteta od poplave 2014. godine, o nezavršenim projektima, o potrebi završetka niz projekata u smislu sanacije šteta iz 2014. godine i nažalost sa subote na nedjelju imali smo ponovo elementarnu nepogodu koja je zahvatila dobar dio područja općine Maglaj. Zbog obilnih padavina koje su se desile došlo je do poplave i pojavila su se klizišta na pojedinim područjima općine Maglaj.

Moram pohvaliti civilnu zaštitu i profesionalnu vatrogasnu jedinicu koji su vrlo ekspeditivno djelovali, čitavu noć su bili na terenu, uzbunili su stanovništvo na području Jablanice i Bijele Ploče, gdje je bio veći intenzitet poplave, tako da smo cijelu tu noć i jučer cijeli dan bili na terenu, snimali stanje i djelovali u smislu da se saniraju što prije putne komunikacije te da se može uspostaviti saobraćaj. Onoliko obilna kiša i padavine za nekoliko sati je nanijela izuzetno veliku štetu i šteta se u ovom trenutku može procijeniti na nekoliko miliona maraka. Odnosi se na štetu na infrastrukturi, na putnim komunikacijama, na mostovima, najviše na rijeci Jablanici, onaj prvi most kad se ide prema izletištu Bistrica, prema MZ Ravna i Oručama. Štete na stambenim i privrednim objektima i štete u poljoprivredi. Jučer smo digli svu raspoloživu mehanizaciju tako da smo radili na uspostavljanju putnih komunikacija. Najviše štete je bilo na području MZ Jablanica, Bijela Ploča, Misurići, Ravna i Oruča, kao i dio Liješnice, također, Stari grad, Omerdino polje i na svim ostalim dijelovima općine je bilo djelimično šteta. Ovo su bile najintenzivnije koje su evidentirane. Štab CZ je jučer održavao vanrednu sjednicu gdje smo donijeli niz zaključaka u kojem smjeru dalje ići u narednom periodu. Najznačajniji su da je proglašeno vanredno stanje na području općine Maglaj. Da su formirane tri komisije za evidentiranje i procjenu šteta. Komisija za infrastrukturne oblasti, Komisija za poljoprivredu i Komisija za stambene i druge objekte. Preliminarna procjena štete bi trebala da bude sutra do kraja radnog dana a o konačnoj procjeni možemo govoriti poslije isteka zakonskog roka do evidentiranja šteta. Moram reći da su mnoge medijske kuće zvale i interesovale se, izlazile na teren da snime i da vide kakvo je stanje. Što se tiče političkog dijela, niko se nije interesovao osim direktora Kantonalne uprave CZ koji su nazvali pred kraj dana da pita šta ima i kakvo je stanje.

Danas smo imali jedan sastanak. Danas je općinu Maglaj posjetio Premijer ZDK gospodin Galijašević, Ministar za poljoprivredu, šumarstvo i vodoprivredu, gospodin Smajić i direktor Kantonalne uprave CZ. Obratili smo se sa dopisom i prema Kantonalnoj upravi CZ i Federalnoj upravi CZ, prema Kantonalnoj i Federalnoj Vladi i u narednom periodu ćemo djelovati maksimalno što možemo zajedno sa institucijama sa viših nivoa vlasti kako bi u što kraćem periodu izvršili saniranje ovih šteta. Najprioritetnije su u ovom trenutku štete na putnoj komunikaciji. Trenutno nije uspostavljena putna komunikacija putem od M-17 prema Bistrici i prema MZ Ravna i Oruča. Gore je praktično odnijelo dio terena pored jednog od mostova. Mašine su na terenu, pokušava se sanirati da se uspostavi tu saobraćaj, međutim, na toj dionici puta ima dosta odrona, potkopanih dijelova obale koje su podkopane, tako da na pojedinim mjestima asfalt stoji u zraku.

Mjesna zajednica Oruča, nekadašnja klizišta koja su bila tu, ponovo su proradila, put je ulegao na dvije dionice. Najviše stambenih objekata je oštećeno na području MZ Jablanica i Bijela Ploča, mada objekata poplavljenih ima i u drugim područjima. Čak i ondje gdje nismo očekivali da će se tako nešto desiti kao npr. Omerdino Polje, gdje je zbog začepjenja jednog propusta došlo do pojave velikih količina vode, poplavljeno je nekoliko dvorišta i stambenih i pomoćnih objekata. Komisije rade svoj posao danas su cijeli dan na terenu, nadamo se što prije da ćemo uspostaviti i komunikaciju na ovoj dionici prema Ravnoj i Oručama. Danas sam dobio obećanje Premijera Galijaševića da ćemo vrlo brzo djelovati te da ćemo imati pomoć i Kantonalne vlade, ali da ćemo isto tako zajedno djelovati prema višim nivoima vlasti kako bi štete što prije sanirali na najbolji mogući način.

Predsjedavajuća OV, evidentno je da je nastala šteta na području cijele općine Maglaj velika i da će iziskivati ogromna finansijska sredstva. Obzirom da mi kao vijećnici imamo pravo na naknadu i za ovu vanrednu sjednicu vijeća ja sam htjela predložiti svim vijećnicima Općinskog vijeća da se odrekemo naknade za svoj današnji rad, a da ta sredstva Općinski načelnik usmjeri ka sanaciji u bilo kojem pogledu i da se o tome izjasnimo glasanjem, pa onako kako se svako od nas izjasni tako će se i tretirati vezano za plaćanje ove današnje sjednice. Obzirom da imamo samo tri-četiri tačke dnevnog reda, vjerujem da i mi kao vijećnici možemo dati svoj doprinos u sanaciji ovih šteta, da pokažemo dobru volju i solidarnost u tom smislu.

Vijećnik Hajrudin Ferić, vezano za ovo što se desilo na općini Maglaj, želim da ukažem na neke od problema i propusta koji se vuku decenijama, a prije svega želim da kažem da sam kao novinar bio angažovan u reporterskom smislu i 2010. i 2014. godine. Dva puta u maju i avgustu i evo 2018. godine na istim područjima sa istim štetama i nažalost kod istih lica koji su pretrpili tu štetu na području Jablanice, Bijele Ploče, Poljica, Jelovca itd. Treba pomenuti i Liješnicu i Gornju Liješnicu, odnosno Ravnu i Oručje.

Zašto ovo spominjem?! Spominjem zato što smo mi prije deset dana imali Informaciju o prirodnim nesrećama u kojima tek tako ovlaš je prošlo sve, a očigledno se radi o velikim sistemskim propustima i problemima koji su se nagomilavali i gomilaju te se bojim da se nastavljaju sa ponavljanjem tih grešaka koji su najvećim dijelom ljudski faktor. Ima jedna priča uglavnom improvizuje se ali je pitanje do kad.

Ovo je sve već viđeno, moram da pomenem nešto što će nama trebati i kao tematska sjednica Općinskog vijeća, ali da bude usmjerena samo na ovo. Da odgovorimo na ova pitanja:

- Šta je sa problematikom tog nestručnog građenja infrastrukturnih objekata na području općine Maglaj?

Kad kažem nestručnog tu prije svega mislim na poštivanje projektne dokumentacije elaborata, nalaza struke itd. Ono gore kad se vidi onaj most kako je odsječen na Bistrici, to je strašno i ono pokazuje samo da su ono bili politički mostovi za slikanje, a takvih nestručnih građenja je na svakom koraku. Ono što je također jako važno i što je jedan veliki uzrok, a to kad se ode od Palučka prema Rakovcu direktna i indirektna posljedica svega onoga što se dešava ja ta gola sječa šume. Mi tu kao OV, kao administracija, kao odgovorni ljudi moramo konačno i definitivno da zauzmemo nekakav stav, šta s tim?! Da li se sadi onoliko koliko se sječe i da li objektivno ova zajednica mora i treba da dobije nešto zauzvrat u odnosu na ovo što sam se decenijama već radi na tom području gore.

Također ono što je jako važno jest činjenica da je i područje Bijele Ploče i Jablanice, područje u kojem je zaista karakteristična ta bespravna, nelegalna gradnja, promjene vodotoka Jablanice, Megare, stvaranje nekih vještačkih brana, krivina itd. Što sve iziskuje od nas ozbiljan pristup pogotovo kad je u pitanju inspeksijski ili taj nadzor nad izvođenjem radova.

Ovo će nam se dešavati iz godine u godinu. Da se iz godine u godinu tako nešto dešava ljudima a da mi ni ova dva-tri dana nemamo apsolutno nikakve informacije iz operativnog centra, govorim kao građanin. Ni koliki je vodostaj, ni koje su saobraćajnice prohodne, ni koje nisu, puno stvari treba staviti na son, analizirati i napraviti nešto planski što će se od danas za narednih 10-20 godina, makar krenuti od nule od početka da se ne dešava ovo što nam se dešava i sve ove strahote.

Ja podržavam zaključke križnog općinskog štaba CZ i samo da napomenem nakon što sve te komisije naprave svoj dio posla i nakon što se napravi centralna procjena treba po ovim pravilima da Općinsko vijeće to verifikuje i tada to može da bude u formi Izvještaja o kojem su govorili.

Vijećnik Edib Delić, kad su u pitanju vremenske nepogode, ja sam kao predsjednik MZ također učestvovao jučer u saniranju ovih šteta, jer je i moja MZ kao i sve ostale poplavljena. Ja sam danas napisao izvještaj i dostavio ga u Službu CZ i tamo sam na završetku rekao šta je problem. Istakao sam da se uvijek bavimo posljedicama, vrlo rijetko se bavimo uzrocima. Ja sam napisao za svoju MZ, bio sam toliko iskren i priznao šta je u suštini problem. Pored onoga na što mi ne možemo utjecati, a to su količine padavina u datom momentu, možemo utjecati na stvaranje divljih deponija, možemo utjecati na projektovanje određenih propusta, kanala, odvodnih cijevi i propusta. Ja sam to jučer imao na terenu, ponavlja se od prošle poplave, ponovilo se, isto, samo su manje štete. Kad smo na kraju razvalili te propusne cijevi našli smo stare otpadne gume, vreće prtene pune smeća, otpadnih kostiju i svega ostalog. Sve smo to mi uradili. Ne vodimo računa gdje odlazimo smeće i dođe nam sve na naplatu. Došle su velike količine padavina i sve to što smo stvarali u divljim deponijama, došlo nam je dolje, zatvorilo i napravilo problem.

Ne damo u svoje staviti ama baš ništa, kad treba napraviti propust, kad treba napraviti mostić ili proširiti dio da se sve to može slobodno slivati tamo, dođe onaj naš inat kažemo ne dam ja u svoje. Moramo povesti prvo računa o tim stvarima da to riješimo. Slijedeće, ja znam, mi smo uspjeli nešto sanirati privremeno, večeras ako padne kiša ponovo će nam se to isto desiti. Kanali su ostali puni nasipnog materijala i smeća i ja ovom prilikom bih zamolio šefa Službe za urbanizam, da mi dolje na ovom terenu dobijemo jednu radnu mašinu i jedan kamion da bi mogli bar na glavnim putnim komunikacijama pročistiti kanale, proštopati odvođe kako nam se ne bi ponovilo ono što nam se desilo jučer ujutro.

Vijećnik Nedžad Lokmić, kao mještani Bijele Ploče i kao član Vijeća MZ Bijela Ploča, želim prije svega iskazati duboku zahvalnost timu Civilne zaštite, vatrogasnoj ekipi, Načelniku i direktoru KJD koji su izuzetno brzo intervenisali i izašli na teren. Mi smo u tim silnim problemima između ostalog i ostali bez vode. Uspjeli smo dijelom sanirati te štete i ovim putem, u ime građana mještana Bijele Ploče, svim nabrojanim iskazati našu duboku zahvalnost. Jedan od problema, pored ovdje pomenutih koje su kolege iznijele na Bijeloj Ploči, jeste i famozna brana koja se nalazi blizu našeg starog bunara za vodu. Mještani su ubijedeni da bi uklanjanje te brane doprinijelo ili barem ublažilo posljedice tih poplava, pa ovom prilikom još jednom želim da zamolim nadležne općinske strukture za to da se pokuša i taj dio odraditi.

Mještani su navikli na ovakve posljedice, spavamo otvorenih očiju i srećom, zahvaljujući oprezu nije bilo nikakvih drugih posljedica osim tih materijalnih. Molim da se obrati pažnja i na konkretne prijedloge, zahtjeve koji dolaze

sa terena, jer ljudi koji vide i sam postupak nastajanja tih poplava, znaju i imaju iskustva govore, smatramo da bi između ostalog i uklanjanje te brane smanjilo posljedice odnosno štete od poplava.

Vijećnica Šefka Hasanić, Klub vijećnika SDA će se odreći svojih dnevnica i ne vidimo razloga da se pojedinačno izjašnjavamo svi. To je stav Kluba.

Predsjedavajuća OV, slažete li se obzirom da je bilo nekoliko prijedloga, vezanih za uzroke i posljedice vezano za poplave, da sumiramo to u jedan zaključak koji će kazati da nakon okončanja i prikupljenih informacija sa terena, te nakon što se sačini zapisnik CZ koji mora doći na verifikaciju OV, da nakon toga Služba pokuša pripremiti ono što bi se moglo razmatrati na tematskoj sjednici OV koje će tretirati sve ovo što ste nabrojani kroz nekih desetak stavova vezanih za uzroke i posljedice od poplava.

Nakon što se završi sve ovo na terenu da se onda pripremimo za jednu tematsku sjednicu gdje ćemo moći donijeti i neke značajnije, i ovo što je gospodin Lokmić govorio.

Dajem na glasanje prvi prijedlog vezano za odricanje naknade za današnju sjednicu Općinskog vijeća.

ZAKLJUČAK

1.1. Vijećnici Općinskog vijeća Maglaj (25) odrekli su se od naknade za današnju 1. Vanrednu sjednicu Općinskog vijeća. Iznos usmjeriti na sanaciju nastale štete.

Glasalo 25 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Mustafa Bešić, Fikret Delić, Kanita Bašić samostalni vijećnici, Josip Jurišić (HDZ), Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA), Mustafa Buljubašić, samostalni vijećnik.

Drugi prijedlog zaključka je

1.2. Da se uz redovne sjednice obavezno zakazuje tematska tačka dnevnog reda vezana za Informaciju o nastalim štetama na području općine Maglaj uslijed prirodne nepogode od 5/6.05.2018. godine, koja će obuhvatiti sve segmente.

Glasalo 25 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Fermić (DF) Mustafa Bešić, Fikret Delić, Kanita Bašić samostalni vijećnici, Josip Jurišić (HDZ), Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA), Mustafa Buljubašić, samostalni vijećnik.

AD – 2 Odluka o imenovanju predsjednika i članova Općinske izborne komisije Maglaj;

Predsjedavajuća OV, sve materijale ste dobili u sazivu od Javnog oglasa pa do okončanja intervjua, članovi komisije su ovdje. Predsjednik Komisije za izbor i imenovanje, gospodin Bradarić Mirza.

Vijećnik Mirza Bradarić, sve materijale ste dobili. Samo par stvari da naznačim. Konkurs je objavljen, Komisija za izbor i imenovanje sastala 30.04.2018. godine, otvorili smo sve pristigle koverte sa kandidaturama. Tog dana smo dogovorili i termin za intervju kandidata. Intervju je održan 04.05.2018. godine u sali Općinskog načelnika, sve imate tu u papirima. Želim da naglasim da Komisija za izbor i imenovanje broji pet članova, međutim i na otvaranju tih koverata i na dan intervjua, od pet članova bila su prisutna samo tri člana. Gospodin Fikret Delić, gospodin Muhamed Hrnjić i ja kao predsjednik Komisije. Gospodin Jurišić mi je dva puta poslao SMS poruku sa obrazloženjem da neće moći doći na komisiju radi svojih privatnih, poslovnih i drugih obaveza, a gospodin Buljubašić meni nije, a koliko sam dobio informaciju ni u Službu nije poslao nikakav odgovor zašto nije došao ni na jedan ni na drugi poziv.

Čitavo vrijeme Komisija je radila u sastavu od tri člana. Sve imate u materijalima, ako bude bilo kakvih pitanja stojim na raspolaganju.

Vijećnik Josip Jurišić, ja sam javio se Mirzi dva puta i oba puta bio sam spriječen, prvi put privatno, a drugi put sam rekao i vama da neću moći ako bude sjednica petak ili subota. Što se tiče toga čuli smo se i rekli da napravite to kako treba i da to podržavam, da sve to bude uredno. Međutim, iz ovog materijala kojeg sam dobio ja mailom, mi ipak nešto fali. Fali mi na koji način je posložena ovakva rang - lista. Jasno mi je za Armina Bašića, jedini Bošnjak se prijavio. Jasno mi je i za Maria Ninkovića, jedini iz reda srpskog naroda. Međutim, ovdje nigdje ne piše na osnovu čega je gospođica Tea Zamboni, na drugom mjestom, a Martina Sičanica na četvrtom mjestu. Josip nije pristupio intervju, to zna jer mi je to susjed, čuo sam se sa njim i nije došao na intervju.

Zanima me to, jer, ovamo prema ovom Uputstvu o utvrđivanju kvalifikacija, broja, imenovanju i razrješenju i obuci članova izborne komisije lijepo stoji tamo kako to treba da ide. Član 7. stavak C sa kandidatima koji ispunjavaju uslove javnog oglasa konkursna komisija obavlja intervju. Uradili ste to, žao mi je, ispričavam se što nisam bio. Prema prethodno utvrđenim kriterijima ko ispunjava kriterije da uopšte dođe na intervju, nakon čega se vrši bodovanje. E to mi ovdje fali, nemam toga ovdje i sačinjenu rang - listu sa redoslijedom kandidata prema uspjehu (ukupnom broju bodova) postignutom na intervju. Vi ste na intervju trebali reći 2 boda, četiri pet, prije toga obavijestiti koliko se može dobiti bodova i istu dostavlja nadležnom organu odnosno Općinskom vijeću. To je ono što ovdje ne vidim. To ćemo morati sve skupa poslati i Centralnoj izbornoj komisiji na osnovu čega je sastavljena takva odluka. To je prvo našto imam primjedbu, poslije ću još, ukoliko bude bilo potrebno.

Vijećnik Safet Jašić, što se tiče Kluba SDA mi smo ovaj materijal iščitali i upravo ovo što je gospodin Jurišić rekao, što se tiče člana izborne komisije iz reda bošnjačkog i srpskog naroda tu su bili jedini kandidati i mi tu nemamo ništa protiv. Ali kad je u pitanju ove dvije kandidatkinje i mi smatramo isto, da je trebalo iz tog razloga zato što su baš iz istog naroda, da je trebalo bodovati kompletnu listu kandidata, da ne budu samo njih dvije, nego da se svi boduju kako bi to bilo upravo ovo što gospodin Jurišić kaže. Nemamo primjedbi ni na što drugo. Što se tiče bošnjačkog člana i srpskog nije ni bilo konkurencije, tako je kako jest. Sugeiršu mi iz Kluba da glasamo pojedinačno za svakog kandidata.

Vijećnik Mirza Bradarić, upravo zato što sam znao da će biti ovih pitanja, morate priznati u SMS poruci u kojoj sam Vam odgovorio da sam Vam rekao da mi je iskreno žao i da sam zaista volio da ste bili tu na intervju čisto radi ovog razloga.

Ja sam, kada sam preuzeo ovu obavezu, sam sebi prvo rekao da ću čisto radi ovih stvari gledati 110% da uradim sve transparentno i kako treba. I na osnovu CIK-a i na osnovu Izbornog zakona itd. Na konkurs se prijavilo 5 kandidata, dvije kandidatkinje i tri kandidata. Od tih pet kandidata ukupno jedan kandidat Josip Maglica nije pristupio intervjuu, radi zdravstvenih problema. Ja nisam dobio to u pismenoj formi, nego mi je preneseno usmeno da je gospodin izjavio da neće pristupiti intervju radi zdravstvenih problema. Što se tiče same dokumentacije svi kandidati, uključujući i gospodina Josipa Maglicu, su dostavili urednu i potpunu dokumentaciju.. Nakon toga mi smo pristupili intervju. Gospodin Jašić je rekao - Smatramo da je trebalo bodovati, mi smo zaista i bodovali, a te papire za bodovanje Vi niste dobili, ali što se mene lično tiče možemo vam dostaviti i ove bodovne liste za četiri kandidata. Gospodin Armin Bašić, diplomirani pravnik, magistar prava je dobio 20 bodova od ukupnih 20. Šta smo bodovali, kako smo bodovali, ovo je primjerak bodovne liste koja inače se koristi za ove stvari, Upravne odbore itd.

Gospođica Tea Zamboni... a inače Armin Bašić se izjasnio kao Bošnjak, gospođica Tea Zamboni se izjasnila kao Hrvatica. Imala je 20 poena od ukupno 20.

Gospodin Ninković Mario koji se izjasnio kao Srbin, i pismeno i usmeno, je imao 19 poena i to vam mogu obrazložiti, a zašto i kako je gospođa Sičanica Martina imala 18 poena?! Vi ste rekli da vam gospodin Bašić i gospodin Ninković uopšte nisu sporni. Volio bih da se izjasnite zašto vam nisu sporni. U izbornom zakonu stoji da bi trebalo u članu 2.14. imaju tri i tu stoji da bi trebalo ako ima svih nacionalnosti prijavljenih to ispoštovati, mada to nije nigdje obligatorna stvar.

Onda tu je ta dilema između gospođice Zamboni i gospodine Martine Sičanica. Jedno od pitanja koje se pojavilo na intervju je bilo da li smatrate da vaše obaveze na poslu ukoliko ste u stalnom radnom odnosu neće praviti nikakve smetnje i opstrukcije u radu OIK-a. Svi znate da je izborna godina i da će OIK imati posla, obaveza, da li smatraju da im ti poslovi i obaveze na radnom mjestu neće stvarati opstrukcije da mogu izaći da mogu odraditi taj posao da mogu ispuniti zaduženje, koje im dođe iz CIK-a. Sva tri kandidata osim gospođe Sičanica su rekli kategorički, NE, neće nam praviti probleme jer je njihovo radno vrijeme fleksibilno. Jedino je gospođa Martina Sičanica, obzirom da gospođa radi u Birou, rekla da smatra da ona misli da joj to predstavljati neće problem.

Meni je žao što ulazak u komisije niste prihvatili i sad sležete ramenima. Ja sam pokušao obrazložiti i stojim ponovo na raspolaganju i za replike itd.

Još jedna stvar između ove dvije kandidatkinje presudilo je i to što je gospođica Zamboni diplomirani pravnik, a gospođa Martina Sičanica dipl. ekonomista.

Vijećnik Josip Jurišić, nigdje tamo ne stoji da baš pravnik mora biti. Na prvom mjestu stoji diploma o završenoj školi, ako nema onda se ide na pravnika. Lijepo ste vi sve to rekli, samo sam rekao da sam volio da to sve imam ovdje. Zamolio bih opet da izađeš i objasniš kako tri člana mogu dati nekom 20 bodova. Na koju je to matematiku.

Vijećnik Mirza Bradarić, ja ne znam, malo prije sam vam pokazao obrazac koji smo mi koristili. Na ovom obrascu imate pet stavki sa ocjenama od 1-5. U ovom pravilniku stoji ocjenu vršiti upisivanjem simbola x u odgovarajuću kolonu. Jedna od stvari je slijedeća, iskustvo u provođenju izbora opcija da ili ne. Druga stvar - komunikacijske i organizacijske sposobnosti pa ocjene od 1-5. Treće, sposobnost tumačenja propisa iz oblasti provođenja izbora Izborni zakon ocjene od 1-5. Sposobnost upravljanja finansijskim i ljudskim resursima ocjene od 1-5. Fleksibilnost radnog vremena, ocjena od 1-5 i ukupan broj bodova. Matematika kako su tri člana dobila ukupan broj 20 je slijedeća. Da smo mi nakon obavljenog intervjuja sjeli i zajednički prošli kroz ove stavke. I sva tri člana su išla stavku po stavku i rekli smo hoćel to biti od 1-5. Na taj način gospodin Bašić, i gospođica Zamboni

na osnovu ove četiri stavke, jer se iskustvo u provođenju izbora ne boduje samo se zaokružuje sa da ili ne, na osnovu toga dobili smo cifru 4 x 5 daje 20 koliko ja znam matematiku.

Vijećnik Hajrudin Fermić, ja ću podržati prijedlog komisije, jasno je da je od ovih četiri kandidata da svi zadovoljavaju formalne uslove i da je trebalo na osnovu nečega neke blage finese, nekog detalja da se da blaga prednost ili bilo šta drugo jednoj od tih kandidatkinja. Meni je žao što Izborna komisija nema pet članova, pa bi riješili problem a pogotovo što komisija nije bila kompletna. Ja lično ću glasati za ovaj prijedlog, zato što moje diskreciono pravo kaže da dajem prednost diplomiranom pravniku jer smatram da u radu OIK-a diplomirani pravnik objektivno može bolje i više da pomogne i praktično i teoretski, nego ekonomista. Samo to, komisiji je bio težak posao, bez obzira o kome se radilo i nažalost jedno mora da iskoči, a evo te su finese odlučujuće.

Vijećnik Josip Jurišić, replika, ne znam koliko je ko od vas sudjelovao puta na biračkim mjestima i na izborima. Ja sam sudjelovao puno puta i matematika je puno važnija tamo nego pravo. Jer samo se zbraja, neki do ujutro ne zbroje. A provjerite kod ova tri člana OIK-a ko je zadnji puta donosio vreće, matematika tu i tekako igra ulogu. Drugo, ovdje stoji sve isto, isto tako i za Martinu. Na osnovu ponuđenih odgovora komisija je konstatovala da kandidat u potpunosti poznaje zakonom propisane procedure za sprovođenje izbora, kao i nadležnosti OIK-a. Još ću sam pripomenuti. Martina je bila predsjednik biračkog odbora 2016.godine. Martina je bila predsjednik biračkog odbora 2014. godine i to na dva prilično turbulentna biračka mjesta i nije bilo problema nikakvih i valjda bi i to trebalo nešto značiti za razliku od gospođe Zamboni, koja je bila samo prošli puta zamjenik predsjednika. Ako se već hvatamo za ono možda mislim, ili kategorički mislim ili ne mislim. Budući da nisam zadovoljan ovakvim načinom i pristupom kako je ovo sve ispalo, žao mi je što nisam bio tu i na intervjuu, možda bi mi bilo sve jasnije, ali ovako kako sam dobio u materijalu ja ovo ne mogu podržati, neću podržati i glasovat ću protiv.

Vijećnik Mirza Bradarić, replika – ovo je malo paradoksalno da replike daju ljudi koji su jedni drugima u istoj komisiji i koji su obojica trebali da iznesu ovaj teret i da odrade ovaj posao. Uz dužno poštovanje kolega Jurišiću, ali mislim da nije korektno, trebali ste zaista doći na komisiju i sigurno bi bilo mnogo drugačije. Naveli ste stavku da gospođa Sičanica poznaje Izborni zakon, i samo ću reći što ima i priloženo u papirima, gospođa Sičanica je za tu stavku od mogućih 5 bodova, dobila 5 bodova.

Vijećnik Safet Jašić, mi smo iznijeli svoj stav i ostat ćemo pri tome. Ali kad sazovete vanrednu sjednicu OV, po nekom pitanju mi iz Kluba SDA smatramo da je trebalo kompletan materijal Komisije za izbor i imenovanje danas biti pred vijećnicima. Kompletan materijal od samog početka do kraja. Da se niko ne naljuti, nije dovoljno što predsjednik komisije ima, nikog ne prozivam, ima za sebe. Vijećnici moraju biti upoznati sa materijalima i ja to stalno ponavljam. Morao je biti način bodovanja i sve ostalo, niko nema ništa protiv, mi smo na početku i rekli, što se tiče prva dva kandidata iz bošnjačkog i srpskog naroda mi to podržavamo, ali ako je bilo dva iz hrvatskog onda je moralo doći na papiru kako su žene bodovane i kako je ova izbila na prvo mjesto. Iz tog razloga mi tražimo pojedinačno da se glasa o svakom kandidatu.

Vijećnik Mustafa Bešić, slušam izlaganja, pa se javih. Imali smo predstavnike iz bošnjačkog i srpskog po jedan. Iz hrvatskog dva ili tri, a šta da smo imali po 5 kandidata, kako bi se onda očitali ovdje. Kad bi komisija predložila jednog kako bi onda reagovalo OV. Znači gdje smo imali po jedan OK, zato što nema drugog. Gdje ima tri odmah je problem.

Imamo ovdje sva tri naroda, demokratija je i neko je ovdje na prošloj sjednici rekao demokratija je imamo pravo da se izjasnimo i da glasamo.

Vijećnik Josip Jurišić, replika. Ne mora OV podržati sve što komisija pošalje, zašto mora, Komisija je tu da odradi onakvu proceduru kako tamo stoji. Netko je napisao kako Komisija treba raditi, a ne kako se njima ćefne. Ja mislim da je ovdje nešto drugo po pitanju kandidata.

Vijećnik Mustafa Bešić, kolega Josipe, bili ste pozvani i Vi ste član te Komisije. Evo i ja sad stvaram sumnju da je nešto drugo. Zašto vi niste došli na Komisiju?

Naš će Klub podržati ovo što je Komisija predložila.

Vijećnik Nedžad Lokmić, u ime Kluba SDP-a, kratak komentar. Ja gospođu Martinu ne poznajem, ali imam osjećaj da je ona ugledni član HDZ i da se zbog toga stvara sva ova fama i dileme. Klub SDP-a će naravno podržati ovaj prijedlog i dati punu podršku Komisiji, kao i svim drugim komisijama koje su izabrane na legalan i zakonit način.

Predsjedavajuća OV, nije bilo više rasprave, zaključujem raspravu i dajem na glasanje, prvo o načinu izjašnjavanja, bio je prijedlog Kluba SDA da se izjašnjava pojedinačno ili da se izjašnjavamo o rang - listi kako je dostavila Komisija.

Ko je za da se izjašnjavamo pojedinačno o svakom kandidatu ?

Glasalo 12 glasova za: Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA), Mustafa Buljubašić, samostalni vijećnik, Josip Jurišić (HDZ).

Glasalo 13 glasova protiv: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF) Mustafa Bešić, Fikret Delić, Kanita Bašić samostalni vijećnici,

Pauza za Klub SDA

Predsjedavajuća OV, pristupamo glasanju za rang - listu.

Vijećnica Dženita Smajlović, poslije ove pauze Klub vijećnika SDA traži da nam se protumači, da li se ovdje radi o sukobu interesa prilikom izjašnjavanja.

Predsjedavajuća OV, nema sukoba interesa, ja sam, prije nego je ovo došlo na dnevni red, lično provjerila da li postoji sukob interesa, nema sukoba interesa. Možete provjeriti i nakon sjednice.

Zaključujem i dajem na glasanje prijedlog Komisije utvrđene rang liste. Ko je za prijedlog Komisije

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF) Mustafa Bešić, Fikret Delić, Kanita Bašić samostalni vijećnici,

Glasalo 1 glas protiv: Josip Jurišić (HDZ).

Glasalo 11 glasova uzdržanih : Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA), Mustafa Buljubašić, samostalni vijećnik.

Konstatujem da je Vijeće usvojilo Odluku, obzirom da je Armin Bašić prvorangirani u prijedlogu Komisije on će biti i predsjednik OIK-a.

Z A K L J U Č A K

2.1. Usvaja se Odluka o imenovanju predsjednika i članova Općinske izborne komisije Maglaj.

AD -3 Rješenje o imenovanju sekretara Općinske izborne komisije Maglaj, za obavljanje administrativno-tehničkih poslova;

Predsjedavajuća OV, na prošloj sjednici OV, razgovarali smo o ovome pitanju i kazali da će Općinski načelnik za ovu sjednicu pripremiti prijedlog.

Općinski načelnik, po zadaći koju ste mi dali, predlažem da sekretar OIK-a bude gospođica Aida Hadžić, koja je diplomirani pravnik, trenutno stažira u Općini Maglaj. Radi se o mladoj osobi, vrlo stručnoj osobi, vrlo vrijednoj osobi, osobi koja širi pozitivnu energiju. Kada smo prošli puta birali sekretara OIK-a bili smo na fonu da to bude neko iz šehidske porodice, evo, nažalost, Aida Hadžić je iz šehidske porodice.

Predsjedavajuća OV, zaključujem raspravu te dajem na glasanje

Z A K L J U Č A K

3.1. Donosi se Rješenje o imenovanju sekretara Općinske izborne komisije Maglaj, gospođice Aide Hadžić, diplomirani pravnik iz Maglaja, za obavljanje administrativno-tehničkih poslova.

Glasalo 13 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić,(SBB), Elvir Vehabović (SBiH), Hajrudin Fermić (DF) Mustafa Bešić, Fikret Delić, Kanita Bašić samostalni vijećnici,

Glasalo 1 glas protiv: Josip Jurišić (HDZ).

Glasalo 11 glasova uzdržanih : Adis Abdurahmanović, Nedžad Alispahić, Selma Avdić, Mirsad Bejzić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA), Mustafa Buljubašić, samostalni vijećnik

AD – 4 Odluka o pristupanju izmjene Regulacionog plana „Misurići“.

Fuad Hajrulahović, mi smo pripremili prijedlog Odluke za pristupanje izmjene Regulacionog plana „Misurići“. Kao što znate izmjena Reg. Plana se donosi u skladu sa Zakonu o prostornom uređenju, isto kako se donosi i Regulacioni plan. Razlozi za donošenje ove Odluke su ti što se firma „Bingo“ pojavila u Maglaju kao interesan da gradi objekat u Poslovnoj zoni Misurići. Regulacionim planom Poslovne zone Misurići su predviđene manje parcele koje se mogu u skladu sa tekstualnim dijelom odluke okrupnjavati, s tim što je u jednom članu je rečeno da se mora voditi računa o saobraćajnicama u okviru Poslovne zone. Kako Služba nije htjela da preuzme na sebe ovu

odgovornost, a smatramo isto tako da je poželjno da OV da mišljenje o svemu. Služba je dala prijedlog Općinskom vijeću o pokretanju Odluke o pristupanju izmjene Reg. Plana...

Dao je obrazloženje na planu, a skice su dostavljene u materijalu.

Vi kao vijećnici bi se trebali izjasniti o postupku izrade Reg. Plana, koja se može raditi u redovnom i skraćenom postupku. Prijedlog Službe je s obzirom da se rade minimalne izmjene u odnosu na Reg. Plan Misurići, a i zbog brzine izgradnje objekta i ostale dokumentacije od urbanističke do odobrenja za građenje, Služba predlaže da se ide po skraćenom postupku.

Otvaram raspravu

Vijećnik Safet Jašić, ovo je sigurno pozitivna stvar koja se događa i sve ove saobraćajnice, petlje koje je gospodin Hajrulahović iznio su upravo planirane za privrednu zonu i za ovakve objekte, Bingo je dobrodošao u Maglaj. To je stav Kluba SDA.

Predsjedavajuća OV, zaključujem raspravu i dajem na glasanje prijedlog

ZAKLJUČAK

4.1. Usvaja se Odluke o pristupanju izmjene Regulacionog plana „Misurići“, po skraćenom postupku.

Glasalo 25 glasova za: Svjetlana Zamboni, Nedžad Lokmić, Mirza Bradarić, Armin Hrnjić, Anida Šahman, Irena Herceg, Firuz Galijašević (SDP), Muhamed Hrnjić, (SBB), Elvir Vehabović (SBiH), Hajrudin Ferić (DF) Mustafa Bešić, Fikret Delić, Kanita Bašić samostalni vijećnici, Josip Jurišić (HDZ), Adis Abdurahmanović, Nedžad Alispahić, Selma Avdić, Mirsad Bežić, Delić Edib, Hasanić Šefka, Safet Jašić, Edina Jašić, Smajlović Dženita, Ermina Muminović (SDA), Mustafa Buljubašić, samostalni vijećnik.

Vanredna sjednica završena u 15,57 sati.

Zapisničar,
Nisveta Bašić

Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.



PREDSEDavajuća OV,

Svjetlana Zamboni